



Regula Sancti Patris Benedicti

Benedikt <Montecassino, Abt, Heiliger>

Moguntiae, 1604

II. Quando, & qualiter debeant fieri visitationes.

[urn:nbn:de:hbz:466:1-64533](https://nbn-resolving.org/urn:nbn:de:hbz:466:1-64533)

Quando, & qualiter fieri, &c. 87

21. Ad ipsos etiam pertinet cum opus fuerit, aut propter scandalum euitandum, ordinata per Capitulum de omnium consensu suspendere vsque ad tempus Generalis Capituli, non tamen ex toto reuocare. Possint etiam, vbi necessitas vigeret aliquod vniuersale in tota Congregatione constituere: vsque ad tempus Capituli duntaxat seruandum.

22. Ordinata etiam per predictos pro bono Congregationis, volumus obseruari etiam post eorum officia: nisi reuocentur à successoribus.

23. Et quia munera excæcant oculos sapientium, & subuertunt corda iustorum: Statuimus iuxta factorum Canonum sanctiones, quod nec Præsident, nec Diffinitores, nec Visitatores, etiam Monialium, durante eorum officio accipere vllatenus possint quæcunque munera à Fratribus nostris, vel Monialibus, vel ab aliis quibuscunque personis de Congregatione. Quod si contrafecerint, priuentur ipsis rebus: & grauitè puniantur secundum qualitatem delicti & personæ.

Quando, & qualiter fieri debeant Visitaciones.

CAP. II.

TEMPVS Visitacionis Monasteriorū nostrorum regulariter deputamus à festo Assumptionis beatæ Mariæ Virginis vsque

ad Quadragesimam exclusiue. Intra quod
(nisi legitimo impedimento Visitatores fuerint impediti) teneantur suum officium compluisse. Quod si facere neglexerint, antequam sequenti priuentur in Capitulo Generali actiua & passiuua voce. Si verò ambos Visitatores tempore præfato & causa legitima impeditos esse contigerit: visitentur quam prima cessante præfato impedimento si potuerint. Si verò alter eorum fuerit legitime impeditus, de consensu vtriusque eligatur alius Visitator, vel alius Prælati: qui actu tantum Visitator, & non officio: ita ut intra præfatum tempus visitatio non omitatur.

2. Hoc planè volentes, quod Visitator officio semper præcedere debeat Visitatores actu, & non officio: licet sit in Congregatione inferior,

3. Cauentur autem, ne in locis audientiarum ponantur aliqua ornamenta, & post præfatum diem comedant in Refectorio, communem Conuentus victum, quantum fieri potest sequentes.

4. Quamprimum igitur Visitatores Monasterio quod visitare intendunt applicuerint, captato tempore congregatisque Prælati Monachis & Commissis ipsius Monasterii aliquam breuem puram, non in humanitate pietatis verbis sub hac forma faciant exhortationem.

5. Fratres charissimi, cum ex debito officio nostri, autoritate Generalis Capituli Congregationis

gregationis nostræ, venerimus visitare claritates vestras, & Monasterium tam in capite quam in membris: Idcirco si quis vestrum aliquo indiget veniat ad nos, & eum libentissimè audiemus; & iuxta possibilitatem nostram secundum quod desuper dabitur providebimus. Manebimus apud vos tres dies, aut plures, si fuerit necesse. Si verò nullus vestrum aliquo indiget. Deo gratias agite: & in hac pace vestra continuò manete, charitatem inuicem seruantes, obedientiam & reuerentiam ob Dei amorem Patribus impendentes, rigorem Monasticum & observantiam Regularem accensis desideriis confouentes: & si qua alia huiusmodi voluerint breuiter exhortari.

6. Consequenter moneant Prælatum & Monachos, quod si quis pro bono Monasterij sui iudicauerit aliquid insinuandum, liberè loquatur: quoniam intentioni Patrum nostrorum est, quod in Visitationibus vitia tam in capite quam in membris radicitus amputentur, cum ea tamen qua decet humanitate & charitate.

7. Caueat tamen quilibet, ne alicui potissimè Prælato, quauis passione seductus, aliquid falsum imponat, seu aliter quam dictam factumue fuerit referat: aut suspicionibus vel leuiter dictis, seu factis aliquem inculpet. Quod si fieri casu (quod absit) contigerit: diligenter cognita causa huiusmodi, reus sciat se publicè coram Fratribus culpam dicturum,

ac pœna talionis aut aliter prout nobis videbitur puniendum.

8. Postea verò Visitatores exeuntes Capitulum: Primò visitent Sanctissimum Euchariſtiæ Sacramentam, Eccleſiam, Sacramentum reliquias, ſi quæ ſunt. Ac deinde tempore congruo ſint ſeorsum cum ſolo Prelato Monasterii: à quo habeant informationem de Seniorum ſuorum & aliorum Monachorum cõditionibus, videlicet ſi debita adhibita ſit diligentia in librorum inquisitione, & ſi quæ ſint perſonæ de heresi ſuſpectæ. Si Prior, Claſſicalis & Decani ſint ſolliciti circa ſua officia in audiendis Fratrum confeſſionibus, in Diuinis Officiis, & communibus exercitiis, in custodia obſeruantia Regularis, in viſitationibus quotidianis officinarum Monasterii. Si ſibi inuicem ſint obediẽtes & reuerenti, ſi ceremonias obſeruent, & obſeruari ſolent. Si ſint in admonitionibus Fratrum nimis tepidi, aut multum rigidi: ſi Magiſter Nouitiorum ſit ſollicitus circa Nouitios, eos inſtruendo ad Orationem, ad exercitia ſpiritualia, ad ceremonias Congregationis conſuetas, vt vilia ſeruitia, ad compoſitionem interioris hominis quam exterioris, & alia huiusmodi, quæ in Regula & Conſtitutionibus noſtris continentur.

9. Inquirant præterea de idoneitate & cõditionibus eorum, ac etiam ſi in eorum receptione obſeruentur præcepta Regulae & Conſtitutionum noſtrarum, & ſi recipiantur

Professionem, secundum priuilegia nostra: videlicet, quod recipiantur de consensu duarum partium Conuentus, & quod profiteantur Prælato sub Cōgregatione, iuxtà formam nobis vsitatam.

10. Interrogent etiam ipsum Prælatum, si in administratione temporalium Cellerarius suum sequatur consilium, & voluntatem. Si Fratibus, potissime infirmis, necessaria ministrat: si sit exemplaris cum Fratibus & secularibus, tam in factis quam in verbis, gestis, & ceteris moribus. Si temporalia Monasterij diligēter gubernat ac ministrat: si libros computorum ac rationum Monasterij sui teneat ordinatos: si instrumenta & alia Monasterij iura diligenter conseruet: si Inuentarium omnium rerum mobilium Monasterii & immobilium habeat. An viderit etiam vnà cum Senioribus computa Monasterii sui. Si Monasterium est debitis aggrauatum: & quantum & quem modum habeat in satisfaciendo. Propter quod volumus, vt Visitatores ante recessum diligenter videant computa debitorum & creditorum Monasterii, nec non redditum & expensas. Quod si viderint Monasterium notabiliter aggrauatum, moneant Prælatum vt se temperet à sumptibus non multum necessariis.

11. Inquirant etiam si qui sint Fratres sibi aut aliis Superioribus rebelles, aut inobedientes: & si correcti non se emendauerint.

12. Præterea inquirant, si ea quæ per Visitatores,

tores, aut præcedentia Capitula fuerunt ordinata, quantum scilicet ad eos pertinet, obseruentur. Si Regularis obseruantia bene diligenter custoditur: si diuina Officia ordinate dicuntur: si ieiunia Regularia obseruentur: si silentia temporibus debitis iuxta Regulam tenentur: si inuicem reuerentiam exhibeant & honorem, ac si sint compositi in choro quam alibi per Monasterium: & potissimè in conspectu Hospitum, & aliorum: & si se cum eis immiscere non vocati: si Hospites cum humanitate & charitate recipiantur: si eleemosynæ iuxta facultatem Monasterii ordinariè erogantur. Si Præiudicia nostræ Congregationis, quæ in illo sunt Monasterio, aut etiam particularia ipsius Monasterii cautè & diligenter custodiantur, & omnino videant. Si Visitatores anni præteriti in visitationibus suis fuerint negligentes, & superfluè curiosi, & de aliis huiusmodi, quæ Regulam & Constitutiones & antiquas Congregationis consuetudines, aut aliàs prout videbitur concernunt.

13. Consequenter Visitatores in absentia Prælati inquirant segregatim ab vnoquoque prædictorum Seniorum de se ipsis inuicem ac de prædictis omnibus, prout videri cuilibet competere: nec non tam probitatem & sufficientiam eorum qui promouendi essent, quam sollicitudinem vel negligentiam promotorum diligenter examinent, singulorum merita vel demerita in futuro Capitulo

Quando, & qualiter fieri, &c. 93

lo Diffinitoribus narraturi: iuxta formam superius descriptam, in Capitulo vigesimoquarto primae partis Constitutionum: De Conuentuum reformatione. Ac etiam de qualitate Praelati sui, si sollicitus sit circa obseruantiam Regularem, tam in se quam in Fratribus: si corrigat Fratrum excessus: si frequenter Diuina Officia, & Capitulum culparum: si saepius exeat Monasterium, aut si est facilis ad dandam licentiam aliis, vt ex leui causa exeat: si fuerit exemplaris in sua conuersatione, tam cum Fratribus quam cum Secularibus: si in eo aut in aliquo Monacho fuerit aliquis notabilis excessus, tam in vestimentis, quam in aliis quibuscunque. Si confert de agendis Monasterii cum Senioribus: si saepius, aut semel in praedictis defecerit.

14. Supradicti vero Visitatores interrogent, etiam Sacerdotes Seniores timoratos de praedictis. Caeteros autem Fratres iuniores, non curent interrogare: nisi necessario ipsis pro indaganda alicuius rei veritate videbitur expedire. Si autem vtro aliquid dixerint, benigne eos audiant: ac exhortentur ad obedientiam & reuerentiam Praelati sui, ad charitatem Fratrum, ac Regularem obseruantiam.

15. Videant praeterea Visitatores cedulam, quam a Scriba habuerunt in Capitulo praeterito, in examinatione ipsius Monasterii: & diligenter examinent quae in ea continentur, si vera fuerint vel falsa Capitulo Generali relata.

16. Videant præterea cedulam, quam habuit Prælati à præfato Scriba tempore Capituli, & si quæ in ea cõtinentur executioni mandauerit.

17. Tandem habita de omnibus prædictis prudenti & diligenti informatione, tractent apud semetipsos cum Dei timore, quæ sunt monitione, quæ reprehensione, & quæ correctione digna tam in Prælato quam in Senioribus, cæterisque Fratribus. Aduertant tamen facilliter credant omni spiritui, sed probent Spiritus, si ex Deo sunt: nec aliquem nisi sola suspitione condemnent, sed de re latente eos, si de visu, vel auditu, si facilliter, ab homine graui: cæterisque circumstantiis confabularis, omnium prudentia, & matura deliberatione diiudicent. Et si quos culpabiles siue reos deprehendant, simul aut separatim moneant, increpent & corripiant: iuxta necessarium qualitatem. Et secundum Constitutiones nostras ordinent in præmissis, quæ fuerint opportuna: ita vt suo consilio & directione cuncta secundum Deum bene disponant.

18. Possint autem prædicti Visitatores Prælatum, si quem in notabilem excessum deprehenderit incurrisse, aut minus idoneum ad Regimen, adeo quod non absque manifesto scandalo seu graui damno Monasterii vsque ad Capituli Generalis tempus tolerare possit, suspendere: & alium pro eo subrogare. Ad euitanda tamen scandala, nisi dicitur

Quando, & qualiter fieri, &c. 95

rum ad minus officio Visitatorum & Præsidentis cōsensus accesserit, id facere non possint: & si aliàs in Monasterio quiete, & pacifice morari noluerit eum amouere, & ad aliud Monasterium Congregationis nostræ trāmittere, prout eis videbitur expedire.

19. Possint insuper omnes & singulos Seniores & Officiales Monasterii ab eorum curis & officiis suspendere, & absoluere: & si iudicauerint expedire, ab eorum Monasteriis remouere. Caueant tamen ipsi Visitatores, ne inordinata affectione, Prælatorum & aliorum Fratrum vitia vel excessus dissimulando pallient: seu inordinata passione, plusquam & ubi opus non fuerit aliquem inculpēt seu reprehendant: Nēc secundum beatum Augustinum, quærant quid corrigant, sed corrigāt quod inuenerint. Nam sicut ordinatæ & cū prudentia factæ visitationes sunt causa obseruantia Regularis, conseruandęque Religionis occasio: ita è contrario imprudentes & inordinatæ siue cum passione factæ ruinæ occasionem præstāt. Idcirco si ipsi Visitatores in aliquo exceßerint, sciāt se in Generali Capitulo puniendos.

20. Planè ea quę Visitatores reppererint in suis visitationibus alicuius ponderis seu nota digna, aut quę ipsi componere nequuerint, redigant in vno folio, D. fñitoribus tempore Capituli Generalis referenda.

21. Statuentes, quod si quis Visitatorū, aliquo interueniente impedimento, ad Capitulum

Gene-

Generale minimè venire poterit: per litteras significare teneatur, ea quæ graua & dignitate relatione videbuntur, quæque ipse iudicauerit expedire: super quibus eius conscientiam conueneramus.

22. Sed quia comperimus apud plerumque Prælatorum & aliorum Fratrum nostrorum vilescere visitorum Congregationis auctoritatem, in dedecus huius Officii, & maxime perniciem disciplinæ & obseruantia Regule: Idcirco volumus & præsentis Ordinatione statuimus & mandamus: vt de cæteris Patres Visitatores auctoritate Priuilegiorum nostrorum, & Ordinationum, (quæ maxima est) muniti, viriliter & impigre exequantur officium suum: corrigenda corrigant, mutandos mutent, deponendos deponant: quæ leuiora sunt, per verbum monemus, & hortamur: quæ vero grauiora, vel quæ expedit in posterum obseruari, per verbum imponimus seu mandamus & ordinamus, annotata singula digerant in libello: quem secum deferant ad Capitulum, à Cancellario inter acta Patrum Capituli & Regiminis referenda: vt Præsidentis & Diffinitores per singula Monasteria examinare, & inquirere possint, vtutum per eos ordinata, Prælati Cellerarij cæteri seruauerint. Quod si reperti fuerint aliqui præfatis Visitoribus inobedientes, eorum quæ ab illis ordinata fuerint transgressores: nouerint se pro qualitate excessus inobedientiæ puniendos. Ipsi verò Patres

tatores, Dei semper timorem & communem profectam præ oculis habentes, ita circumspectè, grauitè & religiosè se habeant, & nõ solum verbis sed etiam factis ædificent visitatos: vt meritò personis eorum reuerentia & obedientia, quæ debetur Officio, possit impendi: & ipsi meminerint visitationum & officii sui Patribus Diffinitoribus rationem exactissimam reddituros.

23. Si qui verò ex ipsis aliquod eorum quæ in visitatione acceperint, quæ sint alicuius momenti, vel vnde scandalum oriatur, aut Fratrem, qui aliquid deposuerit, contra eius voluntatem reuelauerint: ad idem officium persequens quadriennium continuum assumi non valeant. Prælati verò & alii Superiores nullo pacto sint curiosi ad quærendum quis hoc aut illud dixerit vel contra eos aliquid deposuerit: grauitè & ipsi si contrafecerint puniendi.

24. Vltimo conuocent in Capitulo Prælatum cum cæteris Fratribus & Commissis: quos breuiter exhortentur ad mutuam charitatem & pacem, nec nõ obedientiam & reuerentiam Prælati, &c. vt supra: & si quid voluerint monere vel corrigere, id faciant cum omni humilitate & charitate: & vale facientes pro se orari petant, & in pace dimittant.

25. Licentiæ verò datæ prædictis, nullius sint valoris, & momenti, nec eis vlla fides adhibeatur: nisi sint in scriptis, cum affixione sigilli Pax, vt in declaratione capituli: de ordine Congregationis plenius continetur.

26. Ut autem omnia prædicta facilius et qui possint, constituentur binis quibusvis Visitatoribus à Diffinitoribus seu Regimini ubi opus esset, singuli Scribæ graues, & inuicem Monachi, qui pro Notario sint: & in Monasteriis visitandis non quidem semper Visitatoribus assistant: sed ea tantum excipiant quæ scripto erunt mandanda: Prælati licet, & cæterorum Fratrum responsiones interrogata Visitatorum, & præterea si sponte ipsi uoluerint Visitatoribus aut scribæ tradere, aut verbo exponere quæ cupiant postulent in acta referri. Porro ut omnia quantum fieri potest procedant & secretum neantur: deferatur scribis ipsis iuramentum de silentio tenendo, nec iis publicandis, nisi sibi in visitationibus scribenda fuerint excipienda: grauissimè si contrafecerint, puniendi. Porro Scribæ scripturas omnes ad Visitatorum pertinentes, à se & ab utroque Visitatore subscriptas, visitatoribus ipsis tradent, Scribæ Capituli, vel Cancellario exhibendas. Præterea autem scripturarum nullam omnino volumus apud quenquam præter Regimini neque etiam exemplar remanere: grauius puniendi, qui contrafecerint. Decreta uero omnia, pro singulis Monasteriis confecta, in folio describent: ut possint succedentibus

Visitatoribus tradi, ut valeant inquirere an fuerint executioni mandata.